



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 124. Neo-electi Patriarchæ secessus in Monasterium. Ejusdem opera

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1453.

*Possevin. in
Apparat.
Verb. Gen-
nadius.*

parte tres Sanctissimæ Triadis Personas
verbis minus propriis indigitaverit, eas-
demque appellaverit *idiomata*, sive *proprie-
tates*; *Ast fortassis Auctor est excusandus*, in-
quit Possevinus, *quod ei cum Tyranno res
esset, qui hoc mysterium aliter expositum ex-
sibilasset, credens, Christianos tres adora-
re Deos.*

§. CXXIV.

*Neo - electi Patriarchæ secessus in
Monasterium; Ejusdem opera.*

*Bibliot. PP.
l. c. p. 560. &
seq.*

Neo - electus Patriarcha nulli pepercit
labori, ut populum suum ad Eccle-
siæ Catholicæ obsequium reduceret, at-
que ad acceptandum unionis decretum
permoveret. Hunc in finem luculentam
concinnavit apologiam de articulis decre-
ti Florentini, cumque mox post captam
Constantinopolim scripisset, inde occasio-
nem nactus vivis admodum coloribus
atque insigni eloquentia urbis hujus ca-
lamitates, & miserias depinxit. Atta-
men, cum insuperhabito studio suo, Græ-
cos identidem Spiritui sancto pervicaci-
ter resistere cerneret, post quinquennales
labores in vanum impensos Ecclesiæ a-
deo rebellis regimini nuntium misit, &
in Monasterium quoddam Macedoniæ
secessit, ubi reliquos vitæ suæ dies quie-
te transegit.

Præter

Præter hæc duo opera mox laudata, Sæcul. XV. A.C. 1453.
 plura alia e calamo suo profluxere, quorum nonnulla typis impressa, cetera adhuc manuscripta asservantur: præcipua vero sunt; Epistola ad Græciæ Episcopos de unione; tres orationes in Concilio Florentino habitæ Labbe Conc. Gener. to 13. p. 1543 de medijs procurandi unionem dogmaticam; Tractatus de processione Spiritus sancti adversus Marcum Ephesinum, quem tamen non absolvit; Appendix ad op. S. Basilii p. 217. Gennad. item tractatus de prædestinatione inscriptus Josepho Monacho Thessalonicensi; Bibl. PP. l. cit p 608. Genn. hom. plures orationes, & homiliæ, & inter ceteras una de Eucharistia, præter orationem Sanctissimæ Trinitati nuncupatam, & plura alia opuscula, quæ sigillatim recenset Renedotius.

§. CXXV.

S. Sindonis translatio Constantinopoli in Sabaudiam.

Nonnullorum Auctorum opinio fert, quod sacram Sindonem, quæ Taurini asservatur, hoc eodem anno Margaritha Carna, ab avita Regum Jerosolymitanorum stirpe orta, in Sabaudiam transtulerit, ac Ludovico Sabaudix Duci, & Carolinæ Cypriæ ejus conjugi reliquerit, atque ambo postea sacro huic thesauro digne recondendo facellum marmore vestitum Camberii extruxerint. Nec de Spond. contin. ad ann. 1453. Gualt. chronol. l. 15.
Histor. Eccles. Tom. XXVIII. Bb sunt